

材料中心紀事

郭文卿

- 01 簽訂合約看清楚，拍拚做工無輕可，延期罰款真煩惱，千分之五罰袂少。
- 02 違約交貨罰金懸，心情毋免起操煩，緊揣現場的主管，配合工程袂罰款。
- 03 毋管交情有外深，有時嘛愛押標金，保留正本較安心，毋驚雄雄變烏陰。
- 04 3 1 0 1 無收料，揣著師傅上重要，交予班長免見笑，清清採採予人譙。
- 05 3 1 0 1 非總機，毋是桌頭兼童乩，毋通大細攞揣伊，內攻外亂頭敲敲。
- 06 揣無師傅駛豬高，毋通違規家己做，萬一出事無人保，到時無人叫哥哥。
- 07 行重載貨靠豬高，天車起落愛通報，初級保養做予好，奉待親像咱老母。
- 08 貨車入廠停好勢，違規罰錢袂出價，入貨出貨點詳細，搬東搬西愛統計。
- 09 交貨進前先連絡，撫好時間有約束，安排家私免拜託，雙方滿意閣喜樂。
- 10 交貨出單十工前，提早延後傷感情，格仔頂懸有分明，揣無毋免心肝凝。
- 11 您若揣無驗收單，毋通歹勢來相瞞，緊問兄弟欲按怎，重來出單予您看。
- 12 貨品欲交一大攤，會記來提驗收單，交貨毋通裝散散，安全第一斟酌看。
- 13 毋通交貨交發票，倩人保管真礙逆，萬一無去哀哀叫，拄著驗退冒咧燒。
- 14 交貨袂順嘜受氣，激氣相創傷骨枝，和氣生財得西施，平安順利笑微微。
- 15 料件驗收袂通過，緊揣品保問詳細，看是品質無夠格，抑是文件攢無齊。

- 16 查詢貨品已驗收，結報了後送下游，會計有時會伸勾，毋免煩惱面憂憂。
- 17 驗收通過開發票，一關一關那過橋，毋免煩惱毋免叫，阮的效率無人笑。
- 18 寄送發票 E_Mail，比用傳真閣較好，省時省工閣輕可，省錢省紙人呵咗。
- 19 收著信件愛細膩，確定毋是來詐欺，有啥問題緊通知，發票緊開緊領錢。
- 20 附件內容規大堆，核對資料袂食虧，有啥疑問緊來追，發票一條一條開。
- 21 發票金額愛正確，國字數字有眉角，整齊好看閣好讀，會計看了袂齷齪。
- 22 電子發票緊閣準，交料驗收穩閣順，操作簡單閣好用，系統安全袂僥倖。
- 23 欲做結報的任務，有時需要合約書，請您放心免多慮，提供資料好辦事。
- 24 油漆鋼板愛分明，趕緊時陣先借用，毋免歹勢套交情，價讓條件固後片。
- 25 價讓主辦綜合課，材心接辦上清楚，載貨外出單簽好，來提發票免驚無。
- 26 價讓作業無輕鬆，月底進前嚟閣送，銀行帳單毋通藏，互相配合相疼痛。
- 27 修改交期欲如何，先問現場好毋好，閣來走揣綜合課，就事論事來檢討。
- 28 退還標金等傳真，準備正本的存根，公司行號大小印，趕緊請款責任輕。
- 29 有時現場趕工程，準時準分愛完成，佳哉您是光明燈，謝天謝地鬥牽成。
- 30 承辦人員有夠濟，誠懇服務無懸低，問東問西免歹勢，查明購案後二碼。
- 31 一冬三擺有特權，會當快速請貨款，若有急用緊來轉，毋免等佢怦怦喘。
- 32 催料追料做結報，改約退款兼做保，材心二樓啥攞做，逢講無限供應課。